

Mbunda - Agape Visoneka - God's Love Letter Scriptures

Yowano 15:9 Ngwe omo Tate wanjizema ngecivene, nange njamizema, kaleni mu cizemo cange.

Isaya 43:1 Isalele, Shukulu Kalunga uje wamitangele alinakwendeka ngwendi, "Kesi muzive lyova, njikamyamena. Njakusana a lizina lyove, ngeci unapu u wange.

Njlemiya 1:5 "Njakuzivukile simbu kanda uwile mwimo lya vanyoko, njakwangwile simbu kanda usemuke ngeci upwe muka-kwimanena wange ku miyati ya vanu."

Yowano 15:16 Kesi yeni mwanjangwile embwe, oloni yange njamyangwile nakumituma ngeci myue nakwima vushuka vwavungi, vushuka vuje vwa ku myaka yoshe. Ngecivene, cuma coshe mukalomba kuli Tate mu lizina lyange ikeye akamyanaco.

3 Yowano 1:2 Musamba wange injazema, njilinakukulombelela ngwange vyuma vyoshe vyende mwamuvwa nove, co ukale na ciindu cacivwa, ngwe njazivuka ngwange ulimwamuvwa mu munzinzime wove.

Isaya 43:4 Muli na seo na kasingimiko kuli yange, eci cikeco canenesele ngeci njecele mafuti na miyati ya vanu ngeci njimyamene.

Njlemiya 31:3 njasholokele kuli vakevo alyala. Vanu va Isalele, simbu yoshe njamizema, ngecivene, simbu yoshe njikamwesa cizemo cange cije kucesi kutenguluka.

Hoziya 11:8 Vatijo njasa kukwecelela, Isalele? Vatijo njasa kukumbila kuti? Kuma njasa kuminyongesa ngwe munjanyongesele Andema ndi? Nambe kumipangesa ngwe munjapangesele Zemboime ndi? Mbunge yange kuyikanjitavesa kucilinga! Cizemo cange kuli yeni cinapu cakama manene.

Yowano 3:16 Omwo Njambi wazemene vaka-kaye manene ngeci waanene Munendi umolika, ngeci woshe akulaela kuli ikeye kesi anyonge, oloni akale na mwonyo wa myaka yoshe.

Isaya 49:15,16 Ngecivene, Shukulu Kalunga wakumbulwile ngwendi, "Kuma munakazi kasa kwivala munendi uje ajamwa ndi? Kuma asa kuzinda munendi uje yakitile ndi? Nameme nga vaina ya munu vevala munavo, oloni yange kunjikamivala. 16 Yelusalema, kunjasa kukwivala embwe! Njinasonka lizina lyove mu mbanda ya livoko lyange.

Isaya 41:13 Yange Kalunga Njambi yeni, njikamikolesa nakumileka ngwange, 'Kesi muzive lyova, njikamikwasa.'

Mateo 28:20 Co valongesen i kwononoka vyuma vyoshe vije vinjamishiki. Co

anukeni ngweni njikakala nenii matangwa oshe noo akukotoka kwa kaye.

Yowano 14:1 Yesu wavalekele ngwendi, "Kesi mulishoshomwene mu vimbunge vyweni. Kulaeleni kuli Njambi, co kulaeleni kuli yange lalo.

Isaya 41:14 Shukulu Kalunga nendeka ngwendi, "Isalele nameme munapu muvavandondo, kesi muzive lyova. Yange Njambi wakujela wa Isalele, njikamyamena nakumyovola.

Isaya 43:2 Omo ukaita mu mema akulova, njikakala nove, kuwakakuzuvika embwe. Omo ukaita akati ka tuhya, kuukenyembwe, vyeseko vyakama vije vikaija ali yove, kuvikakuvulumuna.

Myaso 23:1-6 Mwaso wa Ndaviti 1 Shukulu Kalunga ikeye Kanyungi kange, navimo vyai njijeneka. 2 Anjihwimisa a mwila wakuzivuluka, nakunjitwamenena ku mema a kwoloka. 3 Anjana mwonyo wauha. Anjitwamena mu vingila vyakushungama, omwo ya lizina lyendi. 4 Nameme nga njenda mukati ka vutsiki mu lisusulungu, kunjikazivi lyova, Shukulu Kalunga, omwo yove uli amo nange! Mulamu wove na mbweti yove vinjizembeleka. 5 Unanjivwaesela mesa ku mesho a vitozi vange, unanjana vivezikiso ngwe munu uje ivanavwavesa. 6 Mwa vushunga vuvwa na cizemo vikanjikava matangwa oshe akuyoya kwange, co njikakala mu Njuvo ya Shukulu Kalunga myaka yoshe yakuyoya kwange.

Yowano 14:27 Kwoloka njimisezela, kwoloka kwange njilinakumyana. Kesi ngwe muvakana muje vaka-kaye. Kesi mulishoshomwene mu vimbunge vyeni, nameme kesi muzive lyova.

Filipu 4:7 Co kwoloka kwa Njambi, kuje munu naumo wai asa kuzivisia, cikanyunga vimbunge vyeni na viyongola vyeni mwamuvwa muli Kilistu Yesu.

Visimo 3:24 Kuukazivi lyova omo uya a vulili nakulala, ukalala mwamuvwa vutsiki vvoshe.

Myaso 4:8 Omo njilala, co njiya mu tulo ngwe muje mwalalele mbuli mutenga, yove lika Shukulu Kalunga, u muka-kunjinyunga mwamuvwa.

Myaso 33:18 Shukulu Kalunga akenga ali vaje vamukomoka, na ali vaje vakulaela a cizemo cendi cije kucesi kutenguluka,

Loma 5:2 Ali ikeye natulingisa ngeci tuzivuke kutetela kwa Njambi, kuje tulinakuyoyela ololo. Co tulinakulishasha mu cinyangavili tulinaco cakutambula vumpau vwa Njambi!

Isaya 55:12 Mukatunda mu Mbambilone nakujolela, vakamitwamenena mu kwoloka kutunda mu nganda. Minkinda na malundu vikaimba ngwe vanu omo mwita, na miti lalo ikatambeka nakujolela ngwe vanu.

Yowano 16:22 Ngcivene, omu mukemwo mucinapu nenii, ololo muli na vusiwa, oloni njikamimona lalo, co vimbunge vyeni vikashula nakujolela, kujoolela kuje naumo wai akacitundisa muli yeni.

Luka 12:9 Oloni woshe akanjivyana ku mesho a vanu, na Muna Munu lalo akamuvyana ku mesho a tungelo twa Njambi.

Mateo 10:30 Oloni Ishweni walava viñambu vyoshe vy a mitwe yeni.

Isaya 54:10 Minkinda na malundu vikazimangana, oloni cizemo cange ali yeni kucikahu, njikanyunga cikumiyo cange cakumyana kwoloka ku myaka yoshe." Ngwendi Shukulu Kalunga uje wakuzema.

Mateo 11:28-30 "Ijeni kuli yange, yeni voshe munajuka nakwambata vyakulema, co njikamihwimisa. 29 Lilemekeni mandauluwa yange, co lilongeseni kuli yange, omwo yange njimukalyovwa-ovwa na kulikeesa mu mbunge, co mukawana kuhwima ku myonyo yeni. 30 Omwo mandauluwa yange yayasi, na citele cange cacehu."

Myaso ya Solomoni 2:10 Muka-cizemo cange wendekel kuli yange ngwendi, "Induka, muka-cizemo cange, mwoni wange, ija tuye amo.

Hoziya 2:14,19,20 Ngcivene, njikamutwala lalo mu mambo, co kuje njikamwilwisa lalo kuli yange na majwi akumuzembeleka a cizemo. 19 Isalele, njikakupwisa u munakazi wange, njikapwa wa vushunga na kulongwa, co njikakumwesa cizemo cije kucesi kutenguluka na mema ku mbunge nakukupwisa u wange ku myaka yoshe. 20 Njikanyunga cikulaeso cange nakukupwisa u wange wa cikongo ca mbunge, co ukazivuka ngeci yange nji Kalunga.

Kutuuka 3:14 Njambi wendekel kuli Mosesa ngwendi, "Yange Ou Njapwa Munjapwa. Omu mukemwo muukendeka navo ngwave, 'Njapwa, ikeye nanjitumu kuli yeni.' "

Hoziya 13:4 Shukulu Kalunga alinakwendeka ngwendi, "Yange Kalunga Njambi yeni, uje wamitundisile mu Ingito. Kesi mukakale lalo na Njambi weka kuvanga ange lika. Yange lika njapwa muyoyesi weni.

Yowano 15:14 Yeni munapu vasamba vange nga mulinga evi njimishika.

Kujombolola 3:20 Tolilila! Njinemana ku lipito nakutota, nga umo aziva lijwi lyange nakushokolola lipito, njikakovela mu njuvo yendi nakulya amo nendi, na ikeye lalo akalya amo nange.

Pastor T. John Franklin
Church of Salvation, Healing, and Deliverance
COS-HAD.org